

有关读书的古诗大全

1.
击石乃有火，不击元无烟。人学始知道，不学非自然。万事须己运，他得非我贤。青春须早为，岂能长少年。——《劝学》
2.
六十余年妄学诗，功夫深处独心知。夜来一笑寒灯下，始是金丹换骨时。
。——《夜吟》
3.
书卷多情似故人，晨昏忧乐每相亲。眼前直下三千字，胸次全无一点尘。
。活水源流随处满，东风花柳逐时新。金鞍玉勒寻芳客，未信我庐别有春。
。——《观书》
4.
粗缯大布裹生涯，腹有诗书气自华。厌伴老儒烹瓠叶，强随举子踏槐花。
。囊空不办寻春马，眼乱行看择婿车。得意犹堪夸世俗，诏黄新湿字如鸦。
。——《和董传留别》
5.
杜诗韩笔愁来读，似倩麻姑痒处搔。天外凤凰谁得髓？无人解合续弦胶。
。——《读韩杜集》
6.
昔余游京华，未尝废丘壑。矧乃归山川，心迹双寂寞。虚馆绝诤讼，空庭来鸟雀。
。卧疾丰暇豫，翰墨时间作。怀抱观古今，寝食展戏谑。既笑沮溺苦，又哂子云阁。
。执戟亦以疲，耕稼岂云乐。万事难并欢，达生幸可托。——《斋中读书》

7.
古人学问无遗力，少壮工夫老始成。纸上得来终觉浅，绝知此事要躬行。
。——《冬夜读书示子聿》

8.
少年易老学难成，一寸光阴不可轻。未觉池塘春草梦，阶前梧叶已秋声。
。——《劝学诗/偶成》

9.
富家不用买良田，书中自有千钟粟。安居不用架高堂，书中自有黄金屋。
出门莫恨无人随，书中车马多如簇。娶妻莫恨无良媒，书中自有颜如玉。
男儿欲遂平生志，五经勤向窗前读。——《劝学诗》

10.
人心如良苗，得养乃滋长；苗以泉水灌，心以理义养。一日不读书，胸臆无佳想。
一月不读书，耳目失精爽。——《读书有所见作》

11.
寻章摘句老雕虫，晓月当帘挂玉弓。不见年年辽海上，文章何处哭秋风。
。——《南园十三首·其六》

12.
三更灯火五更鸡，正是男儿读书时。黑发不知勤学早，白首方悔读书迟。
。——《劝学》

13.
归志宁无五亩园，读书本意在元元。灯前目力虽非昔，犹课蝇头二万言。
。——《读书》

14.
诗界千年靡靡风，兵魂销尽国魂空。集中什九从军乐，亘古男儿一放翁。
。——《读陆放翁集》

15.

书当快意读易尽，客有可人期不来。世事相违每如此，好怀百岁几回开？——《绝句·书当快意读易尽》

16.

久抛青简束行滕，白鸟苍蝇甚可憎。身是蠹鱼酬夙债，黄河浪里读书灯。——《舟中读书》

17.

碧山学士焚银鱼，白马却走深岩居。古人已用三冬足，年少今开万卷余。晴云满户团倾盖，秋水浮阶溜决渠。富贵必从勤苦得，男儿须读五车书。——《柏学士茅屋》

18.

腐儒碌碌叹无奇，独喜遗编不我欺。白发无情侵老境，青灯有味似儿时。高梧策策传寒意，叠鼓冬冬迫睡期。秋夜渐长饥作祟，一杯山药进琼糜。——《秋夜读书每以二鼓尽为节》

19.

半亩方塘一鉴开，天光云影共徘徊。问渠那得清如许？为有源头活水来。——《观书有感·其一》

20.

家资是何物，积帙列梁椳。高斋晓开卷，独共圣人语。英贤虽异世，自古心相许。案头见蠹鱼，犹胜凡俦侣。——《读书》

21.

读书不觉已春深，一寸光阴一寸金。不是道人来引笑，周情孔思正追寻。——《白鹿洞二首·其一》

22.

昨夜江边春水生，蒙冲巨舰一毛轻。向来枉费推移力，此日中流自在行。——《观书有感·其二》

23.

人间岁月堂堂去，劝君快上青云路。圣处一灯传，工夫萤雪边。麴生风味恶，辜负西窗约。沙岸片帆开，寄书无雁来。——《菩萨蛮·送曹君之庄所》

24.

案上数编书，非庄即老。会说忘言始知道；万言千句，不自能忘堪笑。今朝梅雨霁，青天好。一壑一丘，轻衫短帽。白发多时故人少。子云何在，应有玄经遗草。江河流日夜，何时了。——《感皇恩·读庄子闻朱晦庵即世》

本文链接：<https://duanjuziku.com/duanjuzi/stesa5m9dl.html>